



AUG

9336 — 9350

Mag. St. Dr

M I S S A
IN FESTO S. STEPHANI
Proto-Martyris. 3 Aug. Aug 9344

BIBLIOTHECA
VNI. MAGELL.
CRACOVENSIS

Introitus Psalm: 118.

Sederunt principes, & adversum me loquebantur: & iniqui persecuti sunt me: adjuva me, Domine Deus meus, quia servus tuus exercebatur in tuis justificationibus.

Psalm: ibid. Beati immaculati in via: qui ambulant in lege Domini. *Ps.* Gloria Patri &c.

Oratio.

DA nobis, quæsumus Domine, dimitari, quod colimus, ut discamus & inimicos diligere: quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum. Qui tecum &c.

Et fit Commemoratio de Nativ.

Oratio.

Concede quæsumus Omnipotens Deus: ut nos Unigeniti tui nova per carnem nativitas liberet: quos sub peccati iugo vetusta servitus tenet.

Pro Commemoratione OO. SS. Martyrum.

Oratio.

DEUS qui nos concedis Omnium Sanctorum Martyrum tuorum memoriam colere, da nobis in æterna beatitudine, decorum societate gaudere. Per Dominum nostrum.

Lectio Actuum Apostolorum.

Actor: 6. c.

IN diebus illis: Stephanus plenus gratia, & fortitudine faciebat prodigia, & signa magna in

populo. Surrexerunt autem quidam de Synagoga, quæ appellatur Libertinorum, & Cyrenensium, & Alexandrinorum, & eorum, qui erant à Cilicia, & Asia, disputantes cum Stephano: & non poterant resistere sapientiæ, & Spiritui, qui loquebatur. Audientes autem hæc dissecabantur cordibus suis, & stridebant dentibus in eum. Cum autem esset Stephanus plenus Spiritu Sancto, intendens in Cælum, vidit gloriam Dei, & Jesum stantem à dextris Dei. Et ait: Ecce video Cælos apertos, & Filium hominis stantem à dextris Dei. Exclamantes autem voce magna continuerunt aures suas, & impetum fecerunt unanimiter in eum. Et ejicientes eum extra civitatem lapidabant: & testes deposuerunt vestimenta sua secus pedes adolescentis, qui vocabatur Saulus. Et lapidabant Stephanum invocantem, & dicentem: Domine Jesu, suscipe spiritum meum. Positis autem genibus, clamavit voce magna, dicens: Domine, ne statuas illis hoc peccatum. Et cum hoc dixisset, obdormivit in Domino.

Graduale: Psal. 118. Sederunt Principes, & adversum me loquebantur: & iniqui persecuti sunt me. *Ps.* Adjuva me Domine Deus meus, salvum me fac propter misericordiam tuam. Alleluja, alleluja.

Ps.

V. Actor. 7. Video cœlos apertos, & Jesum stantem à dextris virtutis Dei Alleluja.

✠ *Sequentia S. Evangelii secundum Matthæum. Matt: 23.*

IN illo tempore: Dicebat Jesus Scribis & Phariseis: Ecce ego mitto ad vos Prophetas, & sapientes, & Scribas, & ex illis occidetis, crucifigetis, & ex eis & flagellabitis in synagogis vestris, & persequemini de civitate in civitatem: ut veniat super vos omnis sanguis iustus, qui effusus est super terram, à sanguine Abel iusti usque ad sanguinem Zachariæ, filii Barachiz, quem occidistis inter templum, & Altare. Amen dico vobis, venient hæc omnia super generationem istam. Jerusalem, Jerusalem, quæ occidis Prophetas, & lapidas eos, qui ad te missi sunt, quoties volui congregare filios tuos, quemadmodum gallina congregat pullos suos sub alas, & noluisti? Ecce, relinquetur vobis domus vestra deserta. Dico enim vobis, non me videbitis à modò, donec dicatis: Benedictus qui venit in Nomine Domini. Credo.

Offertor. Act. 6. & 7. Elegerunt Apostoli Stephanum Levitam, plenum fide, & Spiritu sancto: quem lapidaverunt Iudæi orantem, & dicentem: Domine Jesu, accipe spiritum meum, alleluja.

Secreta.

Suscipe, Domine, munera, pro tuorum commemoratione san-

ctorum: ut sicut illos passio gloriosos effecit, ita nos devotio reddat innocuos. Per Dñum.

De Nativitate Secreta.

Oblata, Domine, munera, nova Unigeniti tui nativitate sanctifica: nosque à peccatorum nostrorum maculis emenda.

Pro Comm: OO. SS. Martyrum.

Munera tibi Domine, nostræ devotionis offerimus: quæ & pro omnium tibi grata sint honore Justorum, & nobis salutaria, te miserante, reddantur. Per Dominum.

Præfatio & Communicantes de Nativitate.

Communio Actor. 7. Video cœlos apertos, & Jesum stantem à dextris virtutis Dei: Domine Jesu, accipe spiritum meum, & ne statuas illis hoc peccatum.

Postcommunio.

Auxilientur nobis, Domine, assumpta mysteria: & intercedente Beato Stephano Martyre tuo, sempiterna protectione confirmant. Per Dñum nostrum.

De Nativitate Postcom:

Præsta, quæsumus omnipotens Deus: ut natus hodie Salvator mundi, sicut divina nobis generationis est auctor: ita & immortalitatis sit ipse largitor.

Pro Comm: OO. SS. Martyrum.

Præsta nobis, quæsumus Domine, intercentibus omnibus Sanctis Martyribus tuis, ut quod ore contingimus pura mente capiamus. Per Dominum nostrum.



